



Broj: 05-05-19933/12 III
Sarajevo, 11.07.2012.godine

SKUPŠTINA KANTONA SARAJEVO
n/r Prof.dr. Mirjana Malić, predsjedavajuća

PREDMET: Odgovor na poslaničko pitanje

Poslanik Nedžad Fazlija, na Šesnaestoj radnoj sjednici Skupštine Kantona Sarajevo, održanoj 19.06.2012.godine, u okviru tačke Dnevnog reda «Poslanička pitanja, inicijative i odgovori», podsjetio je na nedavnu krađu biste Voje Dimitrijevića ispred Akademije likovnih umjetnosti, kao i da se u istoj sedmici. spomen obilježje Mala kula na Grdonju na kojem su upisana imena 312 šehida i poginulih boraca 105. motorizovane brigade, opet našlo na meti vandala. U utorak 12.05, u poslijepodnevnim satima, lopovi su skinuli bakar s obilježja i na taj način ga oskrnavili. Brzom dojavom građana lopovi su uhvaćeni. Podsjetio je da u našem Kantonu nema ulice, a da ne nedostaje bar jedan poklopac na šahtu. Kradljivci vrlo rijetko budu uhvaćeni, a otvoreni šahtovi prijete i ugrožavaju živote naših građana. U skladu sa navedenim, poslanik je postavio slijedeće pitanje:

PITANJE:

«Postoji li način da se stane u kraj ovim drskim krađama? Znam da je nemoguće pored svakog šahta postaviti čuvara i upravo zbog toga postavljam pitanje može li se zabraniti otkup onih sekundarnih sirovina koje se najviše krađu?»

ODGOVOR:

Ministarstvo prostornog uređenja i zaštite okoliša Kantona Sarajevo, u skladu sa Zakonom o upravljanju otpadom («Službene novine Federacije BiH» br. 33/03 i 72/09) izdaje dozvole za upravljanje otpadom operatorima koji skupljaju i tretiraju različite vrste otpada, između ostalog i metalni otpad.

Do sada je Ministarstvo izdalo 8 dozvola za upravljanje ovom vrstom otpada, i to firmama: Inos Trade d.o.o.; Harex d.o.o.; Aida commerce d.o.o.; Cibos d.o.o.; Ahsun-sirovinacomerc d.o.o.; Trgosirovina d.o.o.; Meltal d.o.o.; Ekosirovina d.o.o. Firme koje skupljaju i tretiraju manje količine otpada nisu obavezne pribaviti dozvolu, prema Pravilniku o izdavanju dozvole za aktivnosti male privrede u upravljanju otpadom („Službene novine Federacije BiH“ broj 9/05). Po ovom osnovu, oslobođeno je od obaveze posjedovanja dozvole 5 operatora koji se bave skupljanjem otpadnih metala: Trendesign d.o.o, Fortin d.o.o, Timpos d.o.o, BH Recycling d.o.o, Metal recycling d.o.o.



web: <http://mpz.ks.gov.ba>
e-mail: mpz@mpz.ks.gov.ba;

Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



Dozvolom za upravljanje otpadom, koju izdaje Ministarstvo prostornog uređenja i zaštite okoliša, propisuje se da, u cilju kontrole porijekla otpada, operatori moraju da vode evidenciju pravnih i fizičkih lica od kojih otkupljuju otpad. Isto tako, moraju posjedovati ugovore za otkup od pravnih lica, odnosno izdavati nota račune, uz predočenje lične karte, kod otkupa od fizičkih lica. Operatori su dužni da Ministarstvu dostavljaju izvještaje o subjektima od kojih vrše otkup otpada. U slučaju sumnje u porijeklo otpada, dužni su odmah obavijestiti nadležne organe.

Budući da je Ministarstvo upoznato sa problemom otuđivanja komunalne opreme (poklopci šahtova, umeci slivnika), te oštećivanja javne imovine, koja sadrži određene metalne komponente, a koje se prodaju kao sekundarne sirovine otkupljivačima otpada, obratili smo se 08.03.2010.godine Ministarstvu unutrašnjih poslova Kantona Sarajevo i ponudili spiskove fizičkih i pravnih lica kojima raspolažemo, a s ciljem vršenja odgovarajućih provjera i eventualnog pronalaženja i sankcionisanja nosilaca nezakonitih radnji. U povratnoj obavijesti, koju smo zaprimili 16.03.2010.godine, informisani smo da će se u funkciji sprečavanja krađa pojačati policijski nadzor.

Što se tiče mogućnosti zabrane otkupa metalnog otpada, na osnovu Zakona o upravljanju otpadom ne može se ograničiti niti zabraniti otkup, izuzev opasnog otpada, kako je to definisano članom 47. Zakona.

Međutim, i da postoji zakonska mogućnost za zabranu otkupa, smatramo da se istom ne bi riješio problem, budući da u Istočnom Sarajevu, kao i u susjednim kantonima, egzistiraju operatori koji se bave sakupljanjem predmetne vrste otpada.

Zato rješenje problema u Kantonu Sarajevo treba tražiti u otkrivanju nelegalnih operatora, te većoj kontroli preduzeća koja vrše otkup otpada, od strane svih nadležnih organa, a prvenstveno Kantonalne uprave za inspeksijske poslove i Ministarstva unutrašnjih poslova. Takođe, Ministarstvo unutrašnjih poslova treba ostvariti direktnu saradnju sa policijskim upravama u Gradu i općinama Istočnog Sarajeva, te kantonima u Federaciji BiH.

S poštovanjem,

MINISTAR

Zlatko Petrović,dipl.pravnik

Dostaviti:
- Naslovu
- Evidencija
- Arhiva



web: <http://mpz.ks.gov.ba>
e-mail: mpz@mpz.ks.gov.ba;
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

